



TOSHKENT DAVLAT YURIDIK UNIVERSITETI REKTORINING B U Y R U G ' I

07.11.2023

663-tm-son

Talabalarga hayfsan e'lon qilish to'g'risida

Bugungi kunda universitetda yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, ularning huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksi va ichki tartib qoidalarini buzish holatlari kuzatilmoqda.

Xususan, Jinoiy odil sudlov fakulteti talabalari universitet Odob-axloq kodeksi qoidalarini bilan tanishtirilgan bo'lishiga qaramasdan 4-kurs talabalari Xudoyberdiyev Javohir Yo'lchi o'g'li (07.10.2023) va Pardayev Muhammadali Nodirbek o'g'li (07.10.2023 va 17.10.2023) universitet hududida tamaki mahsuloti iste'mol qilganligi; 2-kurs talabasi Mamajonov Muhammadali Alisher o'g'li kiyinish qoidalariga rioya qilmay soqoli o'sgan holatda kelganligi (09.10.2023);

4-kurs talabasi Abduraxmonov Shamsiddin Fayzulla o'g'li kiyinish qoidalariga rioya qilmagan holatda kelganligi (13.10.2023); 4-kurs talabalari Abdullayev Maxmudjon Saydali o'g'li, Xudoyqulov To'raqul Axror o'g'li, Salimov Abbasjon Axmed o'g'li, Kamolov Dilmurodjon Shavkatbek o'g'li, Ermatov Shukrullo Xayrullo o'g'li, Ubaydullayev Hojiakbar Fayzullo o'g'li kiyinish qoidalariga rioya qilmagan holatda kelganligi (26.10.2023); 4-kurs talabalari Odinayev Akmal Abdukarim o'g'li, Amirov Umidjon Olimkul o'g'li, Amirov Abbas Xoliddinovich kiyinish qoidalariga rioya qilmagan holatda kelganligi (27.10.2023) aniqlangan.

Bundan tashqari, 2023-yil 27-oktabr kuni Jinoiy odil sudlov fakulteti 4-kurs talabalariga Kriminologiya fanidan dars mashg'ulotlari kafedra professori S.Niyozova tomonidan olib borilgan. Mazkur dars davomida 4-kurs talabasi Shayxzodayev Sardor Soxib o'g'li qo'lida bo'lgan ruchkasi bilan partaga urib shovqin ko'tarib dars mashg'ulotining olib borilishiga xalaqit qilgan.

Mazkur holat bo'yicha o'qituvchi S.Niyozova talaba S.Shayxzodayevga nisbatan qonuniy chora ko'rishni so'rab fakultet dekanatiga murojaat qilgan.

Shuningdek, 2023-yil 30-oktabr kuni Jinoiy odil sudlov fakulteti 3-kurs talabalariga Fuqarolik protsessual huquqi fanidan dars mashg'ulotlari kafedra o'qituvchilari A.Xayrulina va S.Maripova tomonidan binar usulda olib borilgan. Mazkur dars davomida 3-kurs talabasi Zaynobiddinov Islomiddin Iqboliddin o'g'li

dars mashg'ulotiga kechikib kelib, o'qituvchi A.Xayrulinaga hurmatsizlarcha "почему вы вообще заходите на пару? Вы тут никто, чтобы заходить на нашу пару" deb qo'pollik qilgan.

Mazkur holat bo'yicha o'qituvchi A.Xayrulina talaba I.Zaynobiddinovga nisbatan qonuniy chora ko'rishni so'rab fakultet dekanatiga bildirgi bilan murojaat qilgan.

Talabalar J.Xudoyberdiyev va M.Pardayevlar o'zlarining xatti-harakatlari bilan TDYU Odob-axloq kodeksi 17-moddasining 1-qismi 2-xatboshisi (tamaki mahsulotlarini iste'mol qilish va tarqatish), 8-xatboshisi (universitet binolari va hovlisida, shuningdek, universitet binolariga tutashgan hududda tamaki yoxud boshqa turdagi mahsulotlarni chekish)da ko'rsatib o'tilgan qoidalarini buzishgan.

Talaba M.Mamajonov o'zining xatti-harakatlari bilan TDYU Odob-axloq kodeksi 12-moddasi 4-xatboshisi (universitet talabasi bo'lgan erkaklar oq, havorang, ochiq rang ko'ylakda, klassik uslubdagi shim, odmi kostyum va mos rangdagi poyabzalda kelishlari shart), 12-moddasi 5-xatboshisi (talabalar soqoli olingan bo'lishi)da ko'rsatib o'tilgan qoidalarini buzgan.

Talabalar Sh.Abduraxmonov, M.Abdullayev, T.Xudoyqulov, A.Salimov, D.Kamolov, Sh.Ermatov, H.Ubaydullayev, A.Odinayev, U.Amirov va A.Amirovlar o'zlarining xatti-harakatlari bilan TDYU Odob-axloq kodeksi 12-moddasi 4-xatboshisi (universitet talabasi bo'lgan erkaklar oq, havorang, ochiq rang ko'ylakda, klassik uslubdagi shim, odmi kostyum va mos rangdagi poyabzalda kelishlari shart)da ko'rsatib o'tilgan qoidalarini buzishgan.

Talaba S.Shayxzodayev o'zining xatti-harakatlari bilan TDYU Odob-axloq kodeksi 17-moddasining 1-qismi 10-xatboshisi (o'quv mashg'ulotlariga, xodim va talabalarining osoyishtaligiga xalaqit beradigan xatti-harakatlar sodir etish)da ko'rsatib o'tilgan qoidalarini buzgan.

Talaba I.Zaynobiddinov o'zining xatti-harakatlari bilan TDYU Odob-axloq kodeksi 22-moddasining 1-qismi (talabalarining darsga kech qolib kelishlariga yo'l qo'yilmaydi), 27-moddasi 1-qismi, 5-xatboshisi (universitet xodimlari va o'qituvchilariga qo'pollik qilmaslikka, ular bilan tortishmaslikka majbur)da ko'rsatib o'tilgan qoidalarini buzgan.

Yuqoridagilarni inobatga olib, Oliy ta'lim to'g'risidagi nizom (ro'yxat raqami 1222, 2003-yil 22-fevral) 51-bandi va universitet rektorining 2023-yil

31-maydagi 81-son buyrug'i bilan tasdiqlangan Toshkent davlat yuridik universitetining Ichki tartib qoidalari 83-bandiga asosan hamda Jinoiy odil sudlov fakulteti dekani D.Kamalovning bildirgisiga muvofiq,

B U Y U R A M A N:

1. Jinoiy odil sudlov fakulteti 4-kurs talabalari Xudoyberdiyev Javohir Yo'ldi o'g'li va Pardayev Muhammadali Nodirbek o'g'liga universitet Odob-axloq kodeksining 17-moddasining 1-qismi 2 va 8-xatboshisi talabalarini buzganligi uchun hayfsan e'lon qilinsin.

2. Jinoiy odil sudlov fakulteti 2-kurs talabasi Mamajonov Muhammadali Alisher o'g'liga universitet Odob-axloq kodeksining 12-moddasi 4 va 5-xatboshisi

talablarini buzganligi uchun hayfsan e'lon qilinsin.

3. Jinoiy odil sudlov fakulteti 4-kurs talabalari Abduraxmonov Shamsiddin Fayzulla o'g'li, Abdullayev Maxmudjon Saydali o'g'li, Xudoyqulov To'raqul Axror o'g'li, Salimov Abbosjon Axmed o'g'li, Kamolov Dilmurodjon Shavkatbek o'g'li, Ermatov Shukrullo Xayrullo o'g'li, Ubaydullayev Hojiakbar Fayzullo o'g'li, Odinayev Akmal Abdukarim o'g'li, Amirov Umidjon Olimkul o'g'li, Amirov Abbas Xoliddinovichga universitet Odob-axloq kodeksining 12-moddasi 4-xatboshisi talablarini buzganligi uchun hayfsan e'lon qilinsin.

4. Jinoiy odil sudlov fakulteti 4-kurs talabasi Shayxzodayev Sardor Soxib o'g'li universitet Odob-axloq kodeksining 17-moddasining 1-qismi 10-xatboshisi talablarini buzganligi uchun hayfsan e'lon qilinsin.

5. Jinoiy odil sudlov fakulteti 3-kurs talabasi Zaynobiddinov Islomiddin Iqboliddin o'g'li universitet Odob-axloq kodeksining 22-moddasining 1-qismi, 27-moddasi 1-qismi, 5-xatboshisi talablarini buzganligi uchun hayfsan e'lon qilinsin.

6. Fakultet dekanlari (Sh.Saydullayev, D.Kamalova, B.Musayev, D.Umarxanova, O.Babadjanov) mazkur buyruq bilan talabalarning shaxsini sir saqlagan holda universitet talabalarini tanishtirsin.

7. Jinoiy odil sudlov fakulteti dekani (D.Kamalova):

mazkur holat takror sodir etilsa, talabalarni talabalar safidan chetlashtirish mumkinligi to'g'risida ogohlantirsin;

mazkur talabalarning shaxsiy hujjatlar yig'majildiga buyruq nusxalari tikilishini ta'minlasin.

8. Mazkur buyruq bajarilishini nazorat qilish birinchi prorektor A.Xashimhonov zimmasiga yuklansin

Rektor v.v.b.



I.RUSTAMBEKOV

Toshkent shahar

Kiritildi:

Dekan (Fan nomzodi yoki falsafa
doktori (Ph.D) ilmiy darajasiga yoki
xorijiy davlatlarning unga
tenglashtirilgan boshqa ilmiy
darajalariga yoki dotsent ilmiy
unvoniga ega bo'lgan)

D.KAMALOVA

**Kelishildi:**

Direktor

SH.PO'LOTOV



Yoshlar masalalari va ma'naviy-
ma'rifiy ishlar bo'yicha birinchi
prorektor

A.XASHIMHONOV



Katta yuriskonsult

A.TURSUNOV

